

आकाशवाणी

Evening Dogri (NSD) Bulletin

24-03-2025

खबरां

- कर्नाटक दे उपमुख्यमंत्री डी.के शिव कुमार हुंदे उस बयान गी लेइयै अज्ज संसद दे दौनें सदनं च खूब डंड रौली मंची दी रेही जेदे च उनें इक विशेष अल्पसंख्यक समुदाय गी आरक्षण देने लेई संविधान बदलने दी गल्ल आकखी ही।
- लोकसभा च अज्ज 2025 बरे दे प्रस्ताविक खर्चे अखराजाते सरबंधी बिल पर चर्चा शुरू होई- जीएसटी दरें बारै विशेष तौरा पर गल्लबात होई।
- राज्यसभा दे चेयरमैन जगदीप धनखड़ होरें इक जज दे घरा पैहे लब्भनें आहले मामले च बनकदी कार्रवाई दा आह्वान कीता ऐ।
- केंद्र सरकार नै सांसदें दी तनखा ते रटैर सांसदें दी पेंशन च बाद्दा करने दी अधिसूचना जारी कीती ऐ।
- राष्ट्रपति द्रौपदी मुर्म होरें आखेआ ऐ जे खब्बे धड़े दे उग्रवाद सवां प्रभावित लोक मुखधारा च शामिल होइए रमान तरक्की ते खुशहाली दी बत्तै पर टुरना चाहंदे ना।
- केंद्र सरकार नै करसानें दे हितै च गंडें दे निर्यात पर टैक्स भलेआं खत्म करी दित्ता ऐ।
- आई.पी.एल च अज्ज दिल्ली कैपिटल्स दा मकाबला लखनऊ सुपर जायंट्स बश्कार होग।

<><><><><><>

Parliament

कर्नाटक च उपमुख्यमंत्री डी.के शिव कुमार हुंदी इक विशेष अल्पसंख्यक वर्ग गी आरक्षण देने लेई संविधान च बदलाव कने दी टिप्पणी गी लेइयै अज्ज संसद दे दौनें सदनं च डंड रौली पेदी रेही। इस मुद्दे पर राज्यसभा गी दिनभर लेई ते लोकसभा गी 2 बारी स्थगित करना पेआ। बैहस दौरान कांग्रेस

दे वरिष्ठ ते सदन च विरोधी धड़े दे नेता मल्लिकार्जुन खड़गे होरें साफ कीता ऐ जे शिव कुमार होरें संविधान बदलने बारै कोई बयान नेई दित्ता ऐ ते कांग्रेस पाओर हर हाल च संविधान दी रक्षा चाहंदी ऐ। सदन दे नेता जे पी नड्डा होरें खड़गे हुंदे बयान गी लेइयै कांग्रेस पर सदन च झूठ बोलने दा आरोप लाया ते आखेआ जे कांग्रेस सरकार पैहले गै सार्वजनिक ठेके च धर्म दे आधार पर 4 प्रतिशत आरक्षण देई चुकी दी ऐ।

<><><><><><>

Loksabha Finance Bill

लोकसभा च अज्ज 2025 बरे दे प्रस्तावित खर्चे अखराजातें दी मंजूरी सरबंधी बिल पर चर्चा शुरू होई। चर्चा शुरू करांदे होई कांग्रेस दे शशि थरूर होरें आखेआ जे मुखै माल-समेयान ते सेवाएं सरबंधी जीएसटी दी बवस्था मती कठन ते गुंजलदार ऐ। उनें आखेआ जे इक लौहके हलवाई गी 18 प्रतिशत जीएसटी देना पवा करदा ऐ पर एच.एस.एन कोड नेट्र होने कारण उनेंगी इनपुट क्रेडिट हासल नेही ऐ होआ'रदा। उनें आखेआ जे टैक्स देने आहले हर हादमी गी राहत थोनी लोडचदी। भारतीय जनता पार्टी दे निशिकांत दुबे होरें आखेआ जे पूरी दुनिया एल्लै आर्थिक संकट दा सामना करदी ऐ पर भारत पिछले 10एं बरें च इक संदोखजनक थारै पर बैठे दा ऐ ते एहदी अर्थ बवस्था तेजिया कन्नै फलै-फुल्लै करदी ऐ।

<><><><><><>

Jagdeep-Judiciary

राज्यसभा दे सभापति जगदीप धनखड़ होरें दिल्ली हाई कोर्ट दे इक जज दे घरै थमां नकदी बरामद होने दे मुद्दे पर चिंता प्रगट कीती ऐ। उनें नेहिएं घटनाएं दे परतियै होने पर रोक लाने लेई इस चाल्ली दी कवैत गी भलेआं खत्म करने दा आह्वान कीता ऐ। धनखड़ होरें अज्ज संसद भवन च इस मुद्दे पर सदन दे नेता जगत प्रकाश नड्डा ते विपक्षी धड़े दे नेता मल्लिकार्जुन खड़गे हुंदे नै बैठक लाइयै सलाह सूत्र कीता। सभापति होरें इस मामले च तुरत कार्रवाई करने लेई मुख न्याधीश संजीव खन्ना हुंदी सिफत कीती ते आखेआ जे उन्दे आसेआ इस बारै कमेटी खडेरने दे कम्मै पर विचार कीते जाने दी लोड

ऐ। उनें आखेआ जे समिति दे नतीजे गी बलगना ठीक रौहग कीजे एहदे नै समिति गी विचार करने लेई पूरी सामग्री हासल होई सकोग।

<><><><><><>

Delhi-HC Justice

दिल्ली हाई कोर्ट नै जस्टिस यशवंत वर्मा गी तुरत प्रभाव कन्नै न्यायिक कम्में परा हटाई दिता ऐ। अज्ज हाई कोर्ट दी तरफा जारी इक नोटिस च एहू फैसला लैता गेआ। अदालतै दा एहू हुक्म उंदी सरकारी कोठी च अगग लगने दे बाद कथित तौरा पर भारी मात्रा च नकदी बरामद होने दे बाद आहली घटना दे बाद आया ऐ।

<><><><><><>

President-Murmu

राश्ट्रपति द्रौपदी मुर्मू होरें आखेआ ऐ जे सबबै धड़े यानि वामपंथी उग्रवाद सवां प्रभावित लोकें गी समाज दी मुखधारा कन्नै जोड़ने दा कम्म अपने मुकदे ते फैसलाकुन दौर च पुज्जी गेदा ऐ। अज्ज रायपुर च छत्तीसगढ़ विधानसभा दे रजत जयंती समारोह गी संबोधित करदे होई राश्ट्रपति होरें आखेआ जे उनेंगी पूरा भरोसा ऐ जे छत्तीसगढ़ दे लोक तौलें गै राज्य गी उग्रवाद सवां पूरी चाल्ली मुक्त कराने च कामयाब होई जांगन ते राज्य दे इतिहास च इक सनैहरा ध्याय जोड़ंगन। उनें आखेआ जे वामपंथी उग्रवाद सवां प्रभावित लोकें तरक्की ते रमानदारी दी बत्तै पर तेजिया कन्नै अगड़े बधना चाहंदे न। समारोह गी राज्यपाल रमन डेका, विधानसभा अध्यक्ष डॉ. रमन सिंह ते मुखमंत्री विष्णु दे साय ते विरोधी धड़े दे नेता डॉ. चरणदास महंत होरें बी संबोधित कीता।

<><><><><><>

Delhi-Assembly

दिल्ली विधानसभा दा बजट इजलास अज्जै थमां शुरू होई गेआ ऐ। 5एं दिनें दे बजट इजलास कोला पैहले दिल्ली दिएं मुखमंत्री रेखा गुप्ता होरें मंत्री परवेश वर्मा, मनजिंद्र सिंह सिरसा, कपिल मिश्रा ते

होरनें कन्नै खीर समारोह च हिस्सा लैता। मुख्मन्त्री होर अज्ज सदन च दिल्ली ट्रांसपोर्ट कारपोरेशन दे कम्मकाज पर नियंत्रक ते महालेखा परीक्षक दी रपोर्ट पेश कीती। प्रश्नकाल दौरान सरकार ते विरोधी धड़े दे विधायकें दिल्ली दे बाद्दे विकास सरबन्धी कई महत्वपूर्ण मामलें पर चर्चा कीती जिंदे च बिजली, पानी, सेहत सुविधा ते होर दुए विषय शामिल हे।

<><><><><><>

MP-Salary

केंद्र सरकार नै संसद दे मजूदा ते साबका सदस्यें दी तनखाह डेली अलाउंस ते उंदी पेंशन च बाद्दे दी घोषणा कीती ऐ। सांसदें दी म्हीने दी तनखाह 1 लक्ख रपे कोला बधाइयै 1 लक्ख 24 ज्हार रपे कीती गेई ऐ जिस्सलै जे दैनिक भत्ता यानि रोज-रोज दा अलाउंस 2 ज्हार रपे कोला बधाइयै ढाई ज्हार रपे करी दित्ता गेआ ऐ। जिस्सलै जे पिंशनी होई चुके दे सांसदें दी पिंशन हून 25 ज्हार रपे कोला बधाइयै 31 ज्हार रपे करी दित्ति गेई ऐ।

<><><><><><>

Nadda-TB

केंद्री सेहत ते परिवार कल्याण मंत्री जे.पी नड्डा होरें अज्ज निक्के ताप यानि टी.बी सरबन्धी कुल संसारी ध्याड़े दे मौके पर लोकें गी टी.बी बमारी गी मुल्खै चा भलेआं खत्म करने ते सेहत च सुधार लेई अपना निश्चा नमें सिरेआ पक्का करने दा आह्वान कीता ऐ। इक सोशल मीडिया पोस्ट च नड्डा होरें इस बमारी कन्ने निब्बडने लेई सरकार आसेआ कीती जा'रदिएं कोश्टें ते हीलें बारै दस्सेआ ते आखेआ जे सब्बै देशवासिएं मिलियै टी.बी मुक्त भारत बनाने च कामयाब होई सकदे न ते लोकें दे सहयोग विजन सरकार इस लक्ष्य गी हासल करने च कामयाब नेई होई सकदी। उनें आखेआ जे असें सब्भनें गी इत्त भेठा मिलियै कम्म करना होगा। उनें दस्सेया जे टी.बी उन्मूलन कार्यक्रम दे तैहत भारत च 100 दिनें दे अभियान ते निक्षय पोषण योजना तैहत टी.बी दे मरीजें गी दित्ती जाने आहली माली सहायता गी बधाइयै 500 रपे शा बधाइयै 1000 रपे म्हीना करी दित्ता ऐ।

<><><><><><>

Jitendra-TB

केंद्री मंत्री डॉ. जितेंद्र सिंह होरें अज्ज नमीं दिल्ली च विश्व टी.बी दिवस 2025 दे मौके पर माइक्रो वैक्टीरियम ट्यूबर कुलोसि दे 10 ज्हार आइसोलेट्स दी जीनोम सीक्वेंसिंग पूरी होने दी घोषणा कीती। इस पैहल दा उद्देश्य जीनो मिक्स ते आर्टिफिशल इंटेलीजेंस दा इस्तेमाल करियै टी.बी च दोआई प्रतिरोध दी समस्या कन्नै निब्बड़ना ऐ। जितेंद्र सिंह होरें दस्सेआ जे सरकार दा लक्ष्य 2030 तगर टी.बी गी पूरी चाल्ली खत्म करना ऐ ते एहदे फैलने गी 90 प्रतिशत तगर घट्ट करना ऐ।

<><><><><><>

Environment-Conference

पर्यावरण, जलवायु परिवर्तन ते जंगलात मंत्रालय नै अज्ज आखेआ ऐ जे सरकार नमिएं-नमिएं काहडें ते सतत विनिर्माण बवस्थाएं पर आधारित संसाधनें गी मजबूती देने लेई अपने नीतिगत ढांचे पर कम्म करा करदी ऐ। वैश्विक पर्यावरण सम्मेलन गी संबोधित करदे होई मंत्रालय दे संयुक्त सचिव होरें आखेआ जे पिछले किश बरें च मंत्रालय नै प्लास्टिक, ई कचरा, बैटरी ते पाइपलाइन जनेए खेत्तरें लेई विशेष नीतियां तैयार कीतियां ना। उनें आखेआ जे पर्यावरण सरबंधी चुनौतियां कुसै इक दियां नेई पूरी दुनिया लेई खतरा न जिंदा मकाबला असें सब्भनें गी मिलियै करना होगा।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एहू 120मीं किशत होगा। कार्यक्रम च

शामल करने लेई लोक अपने बचार ते सुझाहू 28 तरीक तगर टोल फ्री नंबर 1800-11-7800 पर भेजी सकदे ना। एह्दे इलावा लोक अपने बचार My Gov ते नरेन्द्र मोदी ऐप पर बी भेजी सकदे ना। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहगा। एह्दे कन्नो कन्नो एह्दा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एह्दा डोगरी च अनुवाद प्रसारत कीता जाग। एह्दा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

Chouhan-Onion

राईबाई दे केंद्री मंत्री शिवराज सिंह चौहान हारें आखेआ ऐ जे केंद्र सरकारै गंडें पर 20 प्रतिशत निर्यात शुल्क खत्म करी दित्ता ऐ। अज्ज नमीं दिल्ली च पत्रकारें कन्नै गल्ल करदे होई चौहान हारें आखेआ जे करसानें दे हितै च गंडें दे झाड़ गी विजन कोई टैक्स या ड्यूटी दित्ते दे अंतरराष्ट्रीय बजारै तगर भेजने च सखाल उपलब्ध कराने लेई सरकारै एहू फैसला लैता ऐ जेदे नै उनेंगी अपनी फसलै दी बिक्री थमां मनाफा होग। उनें आखेआ जे नरेन्द्र मोदी सरकरा गी करसानें दे हितें दा मता ख्याल ऐ ते उनेंगी मता फैयदा दोआना सरकार दी सभनें शा पैहली तरजीह ऐ। उनें दस्सेआ जे घरेलू दस्तयाबी गी यकीनी बनाने लेई पिछले बरे 13 सितंबर कोला लेइयै गंडें दे निर्यात पर शुल्क 40 प्रतिशत कोला घटाइयै 20 प्रतिशत करी दित्ता गेआ हा ते हून इसी भलेआं खत्म करने दा फैसला सरकारै लैता ऐ जेदा मतलब एहू होआ जे करसानें गी हून गंडें दे निर्यात पर कोई एक्सपोर्ट ड्यूटी नेई देनी पौगा।

<><><><><><>

Kamra-FIR

मुम्बई पुलसै स्टैंडअप कमेडियन कुणाल कामरा आसेआ इक शो दे दौरान महाराष्ट्र दे उपमुख्यमंत्री एकनाथ शिंदे हुंदे खलाफ कथित तौरा पर अपमानजनक टिप्पणी करने पर एफ.आई.आर दर्ज कीती ऐ। अधिकारिणं दस्सेआ ऐ जे पुलसै मुम्बई दे खार इलाके च हैबीटाट स्टूडियो च कथित तौरा पर

भन्नत्रोड़ करने लेई शिवसेना दे कोई 40 कार्जकर्ताएं खलाफ मामला बी दर्ज कीता ऐ। इस स्टूडयो च कामरा दे शो दा आयोजन कीता गेआ हा। लगभग ढाई मिनट दे इस वीडियो च कामरा नै राश्ट्रवादी कांग्रेस पार्टी ते शिवसेना दा मखोल डोआया ऐ। खार पुलसै युवा सेना दे राहुल कनाल, सने 19 शिवसेना दे कार्जकर्ताएं खलाफ एफआईआर दर्ज कीती ऐ। पुलसै हैबीटाट स्टूडियो ते होटल दी संपत्ति गी नुकसान पजाने लेई भन्न-त्रोड़ करने आहले बेपंछानू 15-20 लोकें खलाफ बी एफआईआर दर्ज कीती ऐ।

<><><><><><>

IPL

आईपीएल 2025 दे अज्ज त्रीए रोज विशाखापटनम दे डॉ. वाई.एस.राजशेखर रेड्डी स्टेडियम च दिल्ली कैपिटल्स दा मकाबला लखनऊ सुपर जायंट्स कन्नै होग। एह मैच हुनै कोला किश चिर मगरा ठीक साड्डे बजे शुरू होग। कल ऐतवारें दऊं मैच खेड्डे गेदे मैचें च चिन्नेई सुपर किंग्स नै मुंबई इंडियन्स गी 4 विकेटें कन्नै हराई दित्ता। ओहदे शा पैहले हैदराबाद च खेड्डे गेदे इक मैच च राजरूथान रायल्स गी सनराईजर्स हैदराबाद दे हत्थ 44 रंज दी हार दा सामना करना पेआ।

<><><><><><>

CM-Militancy

मुखमंत्री उमर अब्दुल्ला होरें अज्ज आखेआ जे जम्मू-कश्मीर च आतंकवाद लोकें दे सहयोग बगैर खत्म होना नामुमकिन ऐ। उनें आखेआ जे उंदी सरकार प्रदेश च शांति बनाई रखने लेई ते सुरक्षा यकीनी बनाने लेई केंद्री गृह मंत्रालय दा पूरा-पूरा सहयोग देआ रदी ऐ। एह गल्ल मुखमंत्री होरें अज्ज विधानसभा दी कार्रवाई शुरू होने सोआं पैहले असेंबली दे बाहरें पत्रकारें कन्नै गल्ल करदे होई आक्खी।

<><><><><><>

CM-IB Fencing

मुख्यमंत्री उमर अब्दुल्ला होरें आखेआ जे 144 करोड़ रपे शा मती रकम उनें करसानें गी दित्ती जाई चुकी दी ऐ जिंदी जमीनां, अंतरराष्ट्रीय बन्ने पर तारबंदी करने कन्नै प्रभावित होइयां हियां। आकाशवाणी दे जम्मू संवाददाता नै जानकारी दित्ती ऐ जे मुख्यमंत्री होरें आखेआ ऐ जे 155 करोड़ 8 लख रपे मुआवजे दे तौरा पर रक्खे गेदे न जिंदे चा 144 करोड़ 12 लख रपे देई दित्ते गेदे न जिसले के बची दी रकम जमीनें दे मालकें दी तस्दीक होने दे बाद उनेंगी देई दित्ती जाग। एहदे अलावा बक्ख-बक्ख विधायकें आसेआ बन्ने कश रौहने आहले लोकें दी दिक्कतें-परेशानियें गी पुट्टेआ जेदे परते च मुख्यमंत्री होरें आखेआ जे उंदी सरकार बन्ने कश रौहने आहले लोकें दे मसले नबेड़ने लेई उत्थूं दे एमएलए कन्नै तौले गै अप्रैल म्हीने बैठक लाग।

<><><><><><>

Mumbai-Fire

मुम्बई दे विद्या-बिहार पच्छिम च इक हिरायशी कलोनी च अज्ज बडुलै चानचक्क अगग लग्गने कारण इक जने दी मौत होई गई ते किश होरनें दे घायल होने दी खबर ऐ। इस घटना कारण काफी माली नुकसान होआ ऐ। घटना बडुलै मूंह न्हरे कोई साड्डे क चार बजे दी ऐ। अगग साहलने आहला अमला तुरत मौके पर पुज्जी गेआ ते अंदर फंसे दे 20 लोकें गी बचाई लैता।

<><><><><><>

UP-CM

उत्तर प्रदेश दे मुख्यमंत्री योगी आदित्यनाथ होरें आखेआ ऐ जे पिछले अट्ट बरें च उत्तर प्रदेश देश दे आर्थिक विकास दा ग्रोथ इंजन बनियै उभरेआ ऐ। अपनी सरकार दे अट्ट बरे पूरे होने पर ओह पत्रकारें गी संबोधित करारदे हे। मुख्यमंत्री होरें राज्य दी 25 करोड़ जनता गी उन्दे समर्थन आस्तै धन्नवाद कीता ते सरकार दी उपलब्धियें पर लोऽ पांदे होई आखेआ जे उत्तर प्रदेश नै कनून बवस्था दे मामले च बडुी छाल मारी ऐ। प्रयागराज च महाकुम्भ एहदा बडुा उदाहरण ऐ। उनें एह बी दस्सेआ जे साल 2017 थमां हूनै तगर गन्ना करसानें गी 2 लख 80 ज्हार करोड़ रपे थमां बद्द दा भुगतान कीता गेआ

ऐ। उनें दावा कीता जे उंदी सरकार नै 8 बरें च उन्ना कम्म कीता ऐ जिन्ना पिछली सरकारें 22एं बरें नेई कीता हा। श्री योगी होरें आखेआ जे उत्तर प्रदेश दी अर्थ बवस्था भारत दे राज्यें च दूसरी सब्भनें थमां बड्डी अर्थ बवस्था ऐ ते उत्तर प्रदेश अज्ज राजस्व अधिशेष आहला राज्य ऐ।

<><><><><><>